



Uunga
Inatsisartunut ilaasortaq
Mikivisuk Thomassen
Inuit Ataqaigiit

Atornerluinernut katsorsaaneq pillugu § 37 naapertorlugu apeqqummut 268-2018-mut akissut

19-11-2018
Suliap nr. 2018 - 20939
Akt. id. 9065539

Asasara Mikivisuk Thomassen

Isertitsivinni ikiaroorartut atornerluinernullu katsorsaaneq pillugit apeqqutinnut qujanaq.

Apeqqutit 2-miit 4-mut akineqarnissaannut Isumaginninnermut Inatsisinillu Atuutsitsinnermut Naalakkersuisoqarfiup (matuma kingorna "naalakkersuisoqarfik") Justitsministeeriaqarfik ilanngusseqqullugu qinnuigisimavaa. Apeqqutinnut akissuteqarniarluni Justitsministeeriaqarfiup Pinerluttunik Isumaginnittoqarfimmit oqaaseqaammik piniarsimavoq. Matuma ataani atuarneqarsinnaasumi apeqqutitut 2-miit 4-mut ataatsimut akissummik Justitsministeeriaqarfik nassiusaqarsimavoq.

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iian@nanoq.gl
www.naalakkersuisut.gl

Naalakkersuisunut apeqqutigisatit:

1. Naalakkersuinikkut misissorneqarumava isertsitivinni ikiaroorartumik atuisoqartarnersoq?

Apeqqut taanna akiniarlugu Peqqissutsimut Naalakkersuisoqarfimmit ilanngussassanik piniartoqarsimavoq. Peqqissutsimut Naalakkersuisoqarfik imaattunik akissuteqarpoq:

"Innuttaasutut allatulli isertsitivinni inissinneqarsimasut Allorfiup katsorsaaviini neqeroorutininik neqeroorfigineqartarput. Innuttaasunut tigummigallarneqartunut imaluunniit isertsivimmit sumik arlamik pissuteqarlutik qimatsisinnaanngitsunut imaluunniit katsorsaavinnukarsinnaanngitsunut Allorfik Pinerluttunik Isumaginnittunik suleqateqarluni Skype atorlugu katsorsaanermik neqerooruteqartarnissamut pilersaarusiorpoq. 2019-imi tamanna piviusunngortinneqarsinnaassasoq neriutigaarput."

Innuttaasunik misissuineq piffissami matumani ingerlanneqartoq Peqqissutsimut Naalakkersuisoqarfiup oqaatigaa. Innuttaasunik misissuineq ukiumi tulliuuttumi januaarimi naammassineqassaaq. Innuttaasut akornanni 15-inik ukiullit ukioqqortunerillu amerlassusaasa sinniisaannik ikiaroorartumik atornerluinerup annertussusaannik misissuineq misissuinermi ilaatigut misissorneqassaaq. 2014-imi siusinnerusukkullu misissuisarnerit allannguuteqarsimanersut takunissaanut taamaalilluni misissuinerup periarfississavaatigut. Innuttaasunik misissuinermi isertsisarfinni hashimik atornerluineq immikkut ittumik misissuiffigineqanngitsoq Peqqissutsimut Naalakkersuisoqarfiup oqaatigaa.

Isertitsivinni ikiaroonartumik atuisoqartarnersoq pillugu Pinerluttunik Isumaginnittut ataavartumik misissuisarnissaat soorunami Naalakkersuisut soqatigaat. Matumuuna isertitsivimmiittut katsorsarneqarnissamik qanoq ittumik pisariaqartitsinersut qulaajassallugu periarfissaalissagaluarpog.

Ilanngunneqassaaq Kalaallit Nunaanni ikiaroonartunik tamanik peqarneq atuinerlu inatsisinik unioqqutitsinerummat, aamma isertitsivinni pigaluarpat. Ikiaroonartunut hashimullu Naalakkersuisut akuersaanngilluinnarmata qularutigineqassanngilaq.

Justitsministeeriaqarfiup akissutaani ataani atuarneqarsinnaasumi takuneqarsinnaavoq isertitsivinni ikiaroonartoq pissutigalugu ajornartorsiutit Pinerluttunik Isumaginnittunit eqqumaffigineqartut. Pinerluttunik Isumaginnittunit pissutsit naleqqunnerpaamik suliarineqartartut Naalakkersuisut upperaata.

- 2. Isertitsivinni tamani ataqatigiissaakkamik aanngajaarniutinut pinaveersaartsitineq ingerlanneqartarpa?**
- 3. Isertitsivinni ikiaroonartoqartarsimaneranik paasisaqarnermik qanoq periuseqartoqartarpa?**
- 4. Isertitsivinniittunut katsorsartinneqarnissamut periarfissat suuppat?**

Justitsministeeriaqarfiup akissutit imaattut nassiuppai:

"Akissuteqarnermut ilanngussatut atugassamik Justitsministeeriaqarfik Pinerluttunik Isumaginninnermut Pisortaqaqarfiimmit oqaaseqaammik piniarsimavoq, ataani ilanngussami ilaatigut taakku tunngavigineqarput.

Justitsministeeriaqarfiup isumaa malillugu Kalaallit Nunaanni isertitsivinni ikiaroonartumik atuisoqannginnissaa qulakkiissallugu pingaaruteqarpoq. Taamaattumik isertitsivimmiittut ikiaroonartumik atuisartut isertitsivinni sulisunit unitsitsinissamik imaluunniit katsorsarneqarnissamik kajumissaarneqartarput.

Isertitsivimmiittut ikiaroonartumik pujortarsimasut ikiaroonartumilluunniit pigisallit pissusissamik saneqqutsisutut pillarneqartarput. Pissusissamik saneqqutsinermut atatillugu killisiuinermi ilaatigut ikiaroonartup atorneqarnera qanoq annertutiginersoq qanorlu akulikitsigisumik atorneqartarnersoq, aamma sooq isertitsivimmiittoq hashimik pujortartarnersoq paasiniarneqartarpoq. Tassunga atatillugu Isertitsivimmiittoq atorneqarnerup katsorsarneqarsinnaaneraniq periarfissanik saqqummiussiffigineqartarpoq.

Isertitsivimmiittoq katsorsartinnermut peqataarusuppat, isertitsiviup avataani katsorsarneqarnissamik neqeroorummut peqataanissaa periarfissaqartinneqarsinnaavoq. Taamaalilluni Kalaallit Nunaanni Pinerluttunik Isumaginnittut inissinneqarsimasup Kalaallit Nunaannilu katsorsaaviit pioreersut akornanni attaveqartitsinnaapput, matumani katsorsaavik Allorfik ilanngullugu, soorlu aamma isertitsivimmiittup katsorsarneqarnissamik neqeroorut akilerneqartussa qeqataaffiginarlugu kissaateqarpat, isertitsivimmiittup kommunimi angerlarsimaffigisaani aningaasanik taperneqarnissamik qinnuteqartoqassatillugu pinerluttunik isumaginnittut ikiuuttartut.

Tassunga atatillugu oqaatigineqassaaq Kalaallit Nunaanni Pinerluttunik Isumaginnittut nammineerlutik katsorsaanermik neqerooruteqartanngimmata aamma isertitsivinni katsorsaanermik suliaqartunik katsorsaasunik atorfinitsitsimanngimmata. Tamanna Kalaallit Nunaata isumaginninnermut aamma peqqissutsimut suliaqarfinnik tiguseranarut atatillugu isiginiarneqassaaq - aamma Kalaallit Nunaanni Pinerluttunik Isumaginnittut isertitsiviutaannut tunngatillugu – peqqinnissamut isumaginninnermullu inatsisiliornerit malillugit atornerluinernut katsorsaasoqartussaaitillugu akisussaaffik tigunikummassuk. Tassunga aamma aningaasaqarnikkut akisussaaneq atuuppoq. Tassunga atatillugu Justitsministeeriaqarfiup Naalakkersuisunut allagaa 15. juni 2018 ullulerneqarsimasoq innersuussutigineqarpoq.

Isertitsivimmiittoq katsorsarneqarnissamut peqataajumangippat, isertitsivimmiittoq katsorsarneqarnissamut ataavartumik kajumissaarneqartassaaq.

Apeqqutinut Naalakkersuisut inaarutaasumik akisutaasa nuutinnerat Inatsisunik atuutsitsinnermut ministeeriaqarfiup perusullugu qinnutigaa.”

Med venlig hilsen
Inussiarnersumik inuulluaqqusillunga



Martha Abelsen